

澄泰不虞自息非意固于兵火災傷尋度危
亡之厄晦明風雨更叨利順之功敢不皈依
以酬化育至心皈命南方維位丹天赤皇上
真道主大德笑感星執法真君精炁所變傳
日旁月慧字異星星君星中神仙諸靈官伏
奠垂慈人世憫察凡庸俯降塵寰監斯誠悃
流恩賜福赦罪釋愆絕焰焰之燎原無語語
之妖語鳥不鳴於毫社家以靖安星無字於
大辰人皆康阜鸚鵡消去預禳無妄之災聽
首居歆終獲大來之慶得道之後身入無形
和與道合真

靜夜

臣等伏聞丹天絳府掌生錄以無私離位朱
官布陽威而有赫運靈芒而燭暗騰正氣以
流輝凡在照臨得遵皈仰今有奉道某等擇
芹捧塊露肝膾於朱陵潔志清心降雲霞於
赤府至心皈命南方大聖火德上真焚感星
真君星中真人星中大神星宮神仙諸靈官
切以地回三舍驗彰前典之中道贊一人珠
貫九霄之上願回聖鑒久察丹誠躡丹霞紅

霧以上流擁絳旆明輿而下降納斯懸悃錫
以殊祥祛身罹命偶之災除口發心為之過
草茅生聚度暑景以清涼土木形骸叶元陽
之氣序比屋免飛煙之恐連覺無烈焰之驚
普及羣生同依大化得道之後身入無形和
與道合真

道門科範大全卷之三十一

正一天師清微弟子百堅製作
道教學術資訊網

道門科範大全卷之三十七 三十八三十九四十四卷 傍七

三洞經錄弟子仲勵編

安宅解犯儀

啓壇行道

法事陞壇如式

各禮師存念如法

宣衛靈呪

東方

九炁青天 明星大神 煥照東鄉 洞映九門
轉燭陽光 掃穢除氛 開明童子 號曰玄卿
備衛我軒 上對帝君 收魔束妖 討捕兇群
奉承正道 赤書玉文 九天符命 攝龍驛傳
普天安鎮 我得飛仙 和與道合真

南方

三炁丹天 煥景流光 熒星轉燭 洞照太陽
上有赤精 合契虛皇 開明靈童 號曰華房
總統火兵 備守玉堂 斬邪束妖 剪截魔王
北帝所承 風火莫當 流鈴交煥 翊衛壇場
正道流行 敢有已狂 我享上功 坐運魁罡
億劫長存 保天無疆 和與道合真

西方

七炁素天太白流精光耀金門洞照太冥
中有素皇號曰帝靈保神安鎮衛我身形
斷絕邪源王道正明官殿整肅三景齊并
道合自然飛昇紫庭靈寶符命普惠萬生
元皇正炁來合我身功加一切天地咸寧
和與道合真

北方

五炁玄天元始徘徊辰星煥爛光耀太微
黑靈尊神號曰層威統冠飛天仙裙羽衣
備衛五門檢精捕非敢有干試豁落斬推
玉符所告神鎮八威邪門閉塞正道明開
映照我身三光同輝策空駕浮舉形仙飛
和與道合真

中央

一炁黃天調理乾坤陶鎔陰陽總統玄真
鎮星吐輝流煥九天開明童子號曰天璘
元炁陽精焰上朱烟洞照天下及身等身
百邪摧落殺鬼萬千中山神呪普天使然
五靈安鎮身飛上仙和與道合真

鳴法鼓二十四通

發爐

請稱法位

具位某某等謹同闔壇眾官今故燒香以是功德奉為

天子王侯百辟僚屬土地官長經籍度師山林
嵩樓修真之士同學之人九親姻族天下人民
飛行動植一切眾生今故傾心普伸懺悔
太上十方靈寶自然至真無極大道乞賜原
赦及齊官闔壇眾等前世今生無邊之罪
得免離三惡之道十苦八難九厄之中使
身得道真飛行虛空白日昇天侍衛道君道
遙無上金闕七寶自然宮殿永與道合所啓
玄感上御至真無極道前

懺悔

重稱法位

具位某某與闔壇眾等謹同誠上啓
太上無極大道元始天尊太上道君太上老
君昊天至尊玉皇上帝勾陳星宮天皇大帝

中天星王紫微大帝承天教法后土皇地祇
十方無極大道道德眾聖天尊至真大帝天
帝三十六部尊經玄中大法師土府太皇太
始五帝中黃戊己應感真靈等龍漢兆劫
大橫混於無名開皇御國民風成於有欲元
始分真而應化伏犧出智以開能既易巢居
遂興棟宇因稼穡以為杆曰之利化毛血以
為憲釜之宜六府孔修三綱有敘爰自陽舒
陰慘甲剛乙柔生殺寓於無形禍福冥於莫
測輒披經訓方悟俗緣但某草芥微生塵凡
弱質幸承餘慶獲遇明時既將有屋之可居
欲乞自天之垂佑恭修齋直告謝真靈既
忝真司獲膺教首職當宣化志在立功凡有
投誠理難寢絕今奉詞悃敢不上聞啓壇詞
誠謹當宣奏

宣詞

按如詞言丹誠懇切謹為沐浴五體澄練
六情依解災度厄之科演安宅利居之法施
壇列篆法地象天以醮官某家所齋紋繒法
信安鎮五方香花燈燭證質丹誠以今日今

時建齋為始至其時開奏上真請福祈恩安
神解犯輒依齋法先宿以啓聞恩惟太上三尊
十方眾聖垂慈鑒映省覽所陳勅勒鑒察使
者土地真官一合同心併力管衛掃蕩內外
清靜壇場通達虛无感降真聖使臣及齋官
心安神定思念臣立感啓奏御達善功周就無
有窒滯明旦行道續更啓聞

十二願

復爐

香官使者左右龍虎君侍香諸靈官當令臣
向來啓壇行道之所自然生金液丹碧芝英
百靈眾真交會在此香火爐前當願十方仙
童玉女接侍蘭煙傳臣向來所啓之誠速達
徑御
至真無極大道

昊天玉皇上帝 御前

出堂頌 出戶

道門科範大全集卷之三十七

道門科範大全集卷之三十八

三洞經錄弟子仲勸

安宅解犯儀

清旦行道

法事陞壇如式

各禮師存念如法

宣衛靈呪

青陽虛映 耀日回靈 神虎辟邪 飛天流鈴
摧奸滅試 萬魔東形 九微迴道 八威攝精
十真校錄 三元蕩清 左嘯中黃 右策六丁
七轉八合 周旋天經 聖化魏魏 大道興行
慶雲流布 合景黃庭 與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝
直符直日香官各三十六人出出者嚴裝顯
服冠帶垂纓關啓女壇土地方域神真臣今
清旦行道謹奉為入意其諸忱悃已錄奏聞
願得

太上十方至真道炁靈寶瑞光下降流入臣
身中令臣所啓速達徑御

太上無極大道

昊天玉皇上帝 御前

請稱法位

具位臣某與闔壇官眾等謹同誠上啓
太上無極大道元始天尊太上道君太上老
君昊天至尊玉皇上帝勾陳星宮天皇大帝
中天星主紫微大帝承天效法后土皇地祇
十方無極大道道德眾聖天尊至真大帝天
帝三十六部尊經玄中大法師土府太皇太
始五帝中黃戊己應感真靈臣聞天尊孕化
大道垂功二氣裁形萬靈資始圓清上結懸
日月而列星辰方濁下凝布山川而融海嶽
由是百神受職以定方隅五帝司分各安其
位至乃清都紫閣百雉九重郡邑城池人倫
宅宇皆有法象以配乾坤爰資安鎮之功用
叶又康之福臣等職當行教佐國立功凡有
所祈理宜聞奏况奉詞旨敢不上聞

宣詞